

2014-mut Aningaasanut Inatsisissatut Siunnersuut

(Aningaasaqarnermut Naalakkersuisoq)

Akissuteqaat

(Aningaasaqarnermut Naalakkersuisoq)

Aappassaaneerneqarnera**Aallaqqaasiut**

Matumuuna Aningaasaqarnermut Inatsisissaq oqaluuserilerparput, tamatumani Namminersorlutik Oqartussat 2014-mut ingerlanneqarnissaani sinaakktissanut tunngasut pineqanngillat, kisiannili oqaluuserissallutigu Aningaasanut Inatsisissaq ukiuni aggersuni aningaasanut inatsisaasartussat ilutigalugit nunatta aningaasaqarniarneranik qulakkeerinninniarfiusussaq. Tamatumani pisariaqarpoq, maani inimi tamattaalluta eqaatsumik suleqatigiinniarnissarput, aamma ukiuni aggersunut tunngatillugu aalajangiiniarnissat ajornaatsuinnaanngitsut pineranni. Aatsaammi taamaasiorutta qulakkeerniarsinnaassavarput, Kalaallit Nunaata ineriartorluarnissamut aqutissiunneqarsinnaanissaa.

Tamanna ajornanngitsuinnaannaviannngilaq Aningaasanummi inatsit manna akuersissutigineqareerpat aaqqissuusseqqinnerit arlallit isumagineqartariaqarumaarput. Taamaattumik Naalakkersuisut iluarisimaarlugu maluginiarsimavaat, Aningaasaqarnermut Akileraartarnermullu Ataatsimiititaliap tapersersimammagu ersarissumik aalajangersimasumillu siunnerfeqartumik aningaasaqarnikkut ingerlatsinerup ilusilersorneqarsimanissaa, tamatumali saniatigut pisortat aningaasaataasa sukannersumik aqunniarneqartariaqarnerat. Tamatumuuna ataatsimiititaliaq qujassuteqarfiginngitsoorsinnaanngilara pisussaaffitsik naapertorlugu aningaasanut inatsisissatut siunnersuut suliarisimammassuk.

Tamatuma saniatigut aamma uannut Aningaasanut Naalakkersuisuusumut nuanninngitsoorsinnaanngilaq partiit tamakkerlugit isumaqatigiinniarsinnaasimagakkit. Soorunalimi tamatta assi-giinngitsunik aallaaveqarpugut, taamaattumillu imaasiiallaannaq isumaqatigiissuteqarsinnaasarata. Taamaattorli maluginiannitsoorsinnaasimanngilara partiit tamarmik tulleriarinnittariaqarneq piu-massuseqarfigimmassuk aammalu nunatta ilorraap tungaanut ineriartortuarnissaa aqutissiuusseqa-taaffigerusummassuk.

Neriutigilluinnarpara Inatsisartut ataatsimoorlutik 2014-mut Aningaasanut Inatsisissaq akuer-sissutigisinnaajumaaraat, tamatumali nassatarisaannik suleqatigiinnikkut ukiuni tulliuuttussanut aaq-qissuusseqqinnissat ingerlassinnaajumaarigut.

Aningaasaqarnermut Ataatsimiititaliap aappassaaneerinninnissamut isumaliuutissiissutaa

Aalisarnermut Inatsisip tamakkiisumik aaqqissuusiffigineqarnera taamatullu pisuussutininik akile-raarusersuisarneq taakkuupput salliutillugit iliuuseqarfiginiakkavut. Pisariaqartipparput inuussutis-

sarsiutip taassuma imminut napitissinnaalluni ineriartortinneqarnissaa, taamaasiornikkut aningaasarsiorneq pitsaasoq aqutissiuullugulu inuiaqatigiit pissarsissunneqartarnissaat aqutissiuussinnaassagatsigu.

Taamaattumik Naalakkersuisut pilersaarutigivaat 2014-p aallartinnerani soqutigisaqartut pisortaqarfiillu assigiinngitsut peqataaffigisaannik aalisarnermut tunngasumik isumasioqatigiissitsinissaq. Tamanna siunertaralugu aningaasanut inatsisissamut allannguutissamik siunnersuusiortoqarsimavoq 2,4 mio. kr.-inik nalilimmik. Aningaasaliissutit taakku atorlugit aqutissiuunniarneqassaaq isumasioqatigiinnerup pilersaarusiorneqarnera ingerlanneqarneralu. Naatsorsuutigivarput isumasioqatigiinnermi susassaqartut 60-70 missiliorlugit amerlassuseqartut, taamatullu atorfillit 10-15-nik amerlassuseqartut isumasioqatigiinnermi peqataasinnaajumaartut. Aningaasaliissutissatut siunnersuut ilaatigut angalanernut, inersuarnik attartornernut, atortussat suliarineqarnerannut naqiterneqarnerinullu taamatullu ineqar-nernut il.il. atorneqartussaassapput.

Tamatuma saniatigut allannguutissatut siunnersuusiortoqarsimavoq 230.000 kr.-nirik nalilimmik. Taakkua nunat assigiinngitsut peqataaffigisaannik NEAFMC-tut taasap nunatsinni ataatsimiinnissanut atorniarneqarput.

Aalisarnerup ineriartortinneqarnissaa siunertaralugu Naalakkersuisut misilittakkatik toqqammavialugit naliliisimapput, aalisariutit pisoqalisoorsimasut isaterneqarnisaaanut qinnuteqarsinnaanissamut aningaasaliissutaasartut atorneqarpallaarsimanngitsut, tamatumanilu pissutaanerpaasimasoq taamatut aqqissuussinerup siunertaa naapertorlugu qinnuteqaateqarnissamut periarfissat ilisimaneqaqqa-laarsimanerat. Taamaattumik qinnuteqaatigineqartarsimasut piffissap ingerlanerani amerlassusaat allanngorartarsimapput. Missingersuusioqqinnermi matumani aningaasaliissutissatut qinnuteqaatigineqartartut toqqammavialugit illuartitsisoqarsimavoq. Aalisariutinik isaterititsinermut tapiissutaasartut annertussusii aningaasaliissutigineqartartut 35%-iinut annertussuseqarumaartut naatsorsuutigineqarpoq.

Tamatuma saniatigut Naalakkersuisunit innersuussutigineqassaaq inatsisissap pingajussaaneerneqarnissaanut atatillugu konto pingaarneq 50.06.50 innersuussuussutigalugu allannguutissamik siunnersuuteqalersaaratta, taamaasiornikkullu nalimmassaaviginiaratsigu aningaasaliissutaajumaartussat ilimagineqartut qanillattornissaat. Allannguutissatut siunnersuut imatut isiginiarneqassanngilaq pineqartumut aningaasaliissutaasartut appsarsarniaratsigit, kisiannili allannguutissaq pissusiviusunut naapertuussarneqarnissaa matumuuna qanillattorniarneqarpoq.

Taamaattumik naatsorsuutigaarput aningaasaliissutissat sinneri sinerissap qanittuani aalisariutit nutarsarneqarnissaanut atorniarneqarumaartut. Tamatumani naatsorsuutigaarput angallatit pineqartut nutaat 3-4 –nik amerlassuseqartut qinnuteqareernikkut pissarsiarineqarsinnaanissaanut atorneqarsinnaajumaartut.

Aqqissuusseqqinnerup ingerlariaqqinnissaanut tulliullugu saqqummiunniarparput inatsisissatut siunnersuut, tamatumuuna ammassassuarniarnerni akileraarusiisarnissaq periarfissiisutiginiarat-

sigu, tamakkumi ulloq manna tikillugu akileraarusersorneqartarsimanngimmata. Taamaattumik Naalackersuisut pilersaarutigivaat inatsisartut upernassamut ataatsimiinnissaanut inatsisissamik siunnersuuteqarnissartik, tamatumali kingunerisaannik 2014-mi upernassakkut atuutilersinneqartumik akileraarusiisarnissaq piviusunngortinneqarsinnaaqqullugu. Tassunga tunngatillugu Naalackersuisut aningaasaliissutit ilassutissaattut siunnersuummik saqqummiussaqaassamaarput, taamaasiluni landskarsimut nakkartussat amerlisinnaanissaanut aqutissiuussisinnaassallutik.

Inatsisissap pingajussaaneerreqarnissaanut allannguutissatut siunnersuutigilersaakkat.

Matumuuna Inatsisissatut siunnersuutip pingajussaaneerreqarnissaanut atatillugu nalunaarutigereersinnaavara, ataatsimiititaliap isumaliuutissiisutaani allaqqareersut saniatigut Naalackersuisut pilersaaruteqarmata allannguutissatut siunnersuutinik arlaqartunik saqqummiussinissaminnik.

Tamatumani tapitartuunniarneqarput meeqqanut inuusuttuaqqanut innarluutilinnullu ulloq unnuarlu angerlarsimaffinnut tunngatillugit allannguutissatut siunniunneqarsimasuutigineqartussat kingunerisaannik 100%-imik akiliuteqartitsisalnissamut aaqqiissuteqarnissaq. Taamatut allannguuteqartitsiarneq allaffissornikkut eqaallisaanneruinnarani aammattaaq aningaasaliissutigineqartut sulii inuiaqatigiit aningaasaliissutaannut siunnerfeqarnerullu arnerusumik atorineqartalnissaanut aqutissiuussinerusussaavoq.

Sanaartornermut tunngatillugu siunnersuutigilersaarparput aningaasaliissutaasartut siammasinnerusumik inissinneqartalnissaat siunertarlugu qulakkeerniassagipput, nunarput tamaat isigalugu aningaasaliissutit inissinniarneqartalnissaat. Piffiit amerlapput taakkunani inissiat illullu allat aserfallassimaqisut qanoq iliuuseqarfiginiarneqarnissaat. Maannakkullu tamakku qanoq iliuuseqarfigerusuppagut.

Naggataatigut naatsunnguamik apeqqutit maani inimi akineqaqqullugit ataatsimiititaliamit saqqummiunneqarsimasut imatut akissuteqarfiginiarpakka.

Sorlak-mut aammalu digitaliusumik tv-kut aallakaatitassiortarnermut piginnittussaannut tunngatillugu tapiissutaasartut pillugit erseqqissaassutigisinnaavara, nunatsinni spejderinut aningaasaliissutaasartut appaallatsinneqarnissaanut tunngaviummat, ilaasortarineqartunut sanilliullugu ilaasortamut ataatsimut tapiissutaasartut qaffasippallaammik inissisimatinneqartarsimanerisa aaqqiivigineqarnissaa. Tassami maannakkut 146-nik ilaasortaqrnerat tunngavigineqartariaqarmat.

Sorlak-mut ilaasortanut tunngatillugu (aammami tassani spejderit inissisimasuummata), erseqqissaassutigissavara agguaqatigiissillugu ilaasortamut ataatsimut tapiissutaasartut 3.822 kr.-ninik anertussuseqarsimmata. Sorlak-mi ilaasortat 3.900-uusut agguaqatigiissillugu tamatumani 261,53 kr.-ninik tapiissuteqartarsimanerput nalimmassaavigineqartariaqartutut isumaqarfigisimavarput.

Spejderit eqqarsaatigalugit aammattaaq taakkua periarfissaqarput, soqutigisaqaqatigiiffiit allat assigalugit Sorlak-mit isumagineqartunit tips- aamma lotto-mit B-tut immikkoortinneqarsimasunit aamma qinnuteqaateqartarsinnaanissamut.

Ilaasortaqartussutsip naatsorsorneqarnerannut aammalu § 37-i aqqutigalugu Anda Uldum-ip nr. 2012-228-i aqqutigalugu apeqquteqaatigisimasaannut tunngatillugu nalunaarusiorsimanermi, naalakkersuinikkut inuusuttut suliniaqatigiiffiini ilaasortat nalunaarsuiffigineqarsimapput. Ilinniartitaanermut, Kulturimut, Ilageeqarnermut Naligiissitaanermullu Pisortaqarfiup tamatumani aamma spejderit, sorlaap sukorsillu 2012/2013-mut tunngatillugu ilaasortaqassusaat toqqammavigalugu aningaasaqarniarnerat misissuiffigisimavaa.

Ataatsimiititaliap nuna tamakkerlugu isiginnaarutitigut kanalit atorineqarsinnaasut pingasuusut eqqarsaatigalugit ataatsimiititaliap isumaliuteqarsimaneranut tunngatillugu Naalakkersuisut erseqqissaassutigissavaat, maannakkutut nuna tamakkerlugu isiginnaarneqarsinnaasunik pingasunik kanaleqartitsineq KNR-p aallakaatittagaannut tapiliullugu pissusissamisoortutut isigineqartariaqartoq. Aamma tamatumani kanalinut pineqartunut aningaasartuutaasartut eqqarsaatigalugit.

Inissiat kisermaatariat marloqiusallu pisoqaanerusut tuniniarneqarsinnaanerinit tunngatillugu, tamatum kingunerinavianngilaa illunik nutaanik pineqartut amerlaqataannik aningaasaliisoqartariaqarnissaa.

Taamatutaaq uppersarsinnaavara, missingersuusiata toqqammavigalugit kalaallisut allaqqasortaanijuu ajuusaarnaraluartumik kukkunertaqarmata. Tamatumani pineqarpoq konto pingarneq 84.40.15. Tassunga tunngatillugu nassuiaatit Aningaasanut Inatsisissap naamassineqannginnerani aqqiivigineqarumaarput.

Aningaasaqarnermut Akileraartarnermullu Ataatsimiititaliap inassuteqaataanut tunngatillugu Naalakkersuisunit erseqqissaassutigissavarput, tikkuussinerit malinneqarnissaat malinniarlugit siunertaqaratta. Inassuteqaatini 3-2-mi taaneqartutut aningaasaliissutissanut kissaatigineqartunut sanilliullugu erseqqissaassutigissavarput, avatangiisinut aningaasaliissutissanut tunngatillugu qinnuteqaatigineqarsimasunut pineqartut isiginiarneqarniarmata.

Taamatut oqaaseqarlunga siunnerfeqartumik oqallilluartoqarnissaannik kissateqarnera annippara.